

Na osnovu člana 8. stav (2) tačka f) i stava (3) tačka i) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08) i člana 17. Zakona o Vijeću ministara Bosne i Hercegovine („Službeni glasnik BiH“, broj 30/03, 42/03, 81/06, 76/07, 81/07, 94/07 i 24/08), uz saglasnost Granične policije Bosne i Hercegovine i Ministarstva vanjskih poslova Bosne i Hercegovine, Vijeće ministara Bosne i Hercegovine na 58. sjednici održanoj 24.7.2013. godine, donijelo je

O D L U K U

O ZADUŽENJU AGENCIJE ZA IDENTIFIKACIONE DOKUMENTE, EVIDENCIJU I RAZMJENU PODATAKA BOSNE I HERCEGOVINE ZA PERSONALIZACIJU, TEHNIČKU OBRADU I VOĐENJE EVIDENCIJA O POGRANIČNIM PROPUSNICAMA

Član 1.

(Predmet Odluke)

Ovom Odlukom utvrđuje se nadležnost Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) za personalizaciju i tehničku obradu, kao i vođenje evidencije o pograničnim propusnicama za državljane Republike Hrvatske.

Član 2.

(Zaduženje nadležnog ili izvornog organa)

(1) Granična policija Bosne i Hercegovine (u daljem tekstu: GP BiH), u skladu sa međunarodnim sporazumom između Bosne i Hercegovine i Republike Hrvatske i relevantnim propisima Bosne i Hercegovine, vodi upravne postupke izdavanja pograničnih propusnica za državljane Republike Hrvatske i odgovorna je za tačnost i zakonitost provedenih upravnih postupaka, te čuvanje dokumentacije o izdatim pograničnim propusnicama. I Ministarstvo vanjskih poslova Bosne i Hercegovine (u daljem tekstu: MVP) može zaprimati i obrađivati zahtjeve za pogranične propusnice.

(2) Provođenjem upravnih postupaka iz prethodnog stava, GP BiH prikuplja podatke o državljanima Republike Hrvatske koji su neophodni za izdavanje pograničnih propusnica i dostavljanje istih u evidencije koje tehnički vodi Agencija, uključujući i biometrijske podatke definisane adekvatnom regulativom Evropske unije i ICAO 9303 dokumentima.

(3) Prilikom dostavljanja podataka u evidencije GP BiH je dužna da se pridržava Zakona o Agenciji i podzakonskih akata koji definišu način i postupke dostavljanja podataka u evidencije Agencije.

(4) GP BiH dostavlja naloge za personalizaciju pograničnih propusnica i preuzima pogranične propusnice u sjedištu GP BiH te vrši dalju distribuciju istih prema svojim organizacionim jedinicama i uručenje građanima Republike Hrvatske.

Član 3.

(Zaduženje organa nadležnog za personalizaciju i vođenje evidencija)

(1) Agencija će u skladu sa međunarodnim sporazumom između Bosne i Hercegovine i Republike Hrvatske uspostaviti elektronske evidencije izdatih pograničnih propusnica sa ličnim podacima za državljane Republike Hrvatske, informacioni sistem putem kojeg se dostavljaju podaci u evidencije i koji će biti dostupan GP BiH i MVP.

(2) Sve zahtjeve za izdavanje pograničnih propusnica, zaprimljene i obrađene od strane GP BiH ili MVP (diplomatsko-konzularno predstavništvo Bosne i Hercegovine u Zagrebu), po stvorenim tehničkim uslovima Agencija personalizuje, nakon čega će personalizovan dokument dostavljati u sjedište GP BiH.

(3) Agencija će vršiti nabavku i skladištenje nepersonalizovanih pograničnih propusnica u skladu sa Zakonom o Agenciji i podzakonskim aktima.

Član 4.

(Realizacija Odluke)

Za realizaciju ove Odluke zadužuje se Agencija, GP BiH i MVP.

Član 5.

(Stupanje na snagu)

Odluka stupa na snagu danom donošenja i obavljuje se u „Službenom glasniku BiH“.

VM broj 177/13
24. jula 2013. godine
Sarajevo

Predsjedavajući
Vijeća ministara BiH
Vjekoslav Bevanda, s. r.